




Die Gräfin Eva von Neuleininge¹

Ach Gott! Was werd mer's doch im Sinn
 So leicht, wann ich im Wald als bin!
 's is fascht so scheen dort wie deheem,
 Die Vogel kreische vun de Bääm,
 Die Mide hört mer luschtig sumse
 Un Krotte in die Pitsche² plumpse
 Un prächtig schlängelt sich de Weg
 Erwer, niwer, grad un schräg.
 Un frehlich wanner ich do anne
 Dorch Eeche, Buche und dorch Danne. —
 De Wald heert uf; mer sieht schun dorch:
 „Was is dann das dort for e Borg?“

¹ Verfaßt für ein vaterländisches Schülerfest der
 „Realschule am Donnersberg“ ² Pfützen

Aus
 PAUL MÜNCH

DIE
 PÄLZISCH
 WELTGESCHICHT

1937

Un in dem Ma'eblicd geht grad
E Bauerschmann vorbei un sat:
„Das Schloß, wo Se do drime siehn,
Is die Neileininger Ruin.“

„Aha“, sa' ich, „ich dank a scheen,
Das Schloß is meiner Seel nit kleen,
Du lieber Gott, is das e Mauer!“
„Ei wiss'n Ehr was“, sat do de Bauer,
„Wann's recht is, will ich Eich verzähle —
Das heeßt, wann Se kee Zeit verfehle —
Was vor vielhunnert Johr un Da
Sich in dem Schloß hat zugetra.“
„Jo“, sa' ich „'s intressiert mich arig“;
Dann ganz voll lauter Neigier war ich.

Dann fangt er an: „'s war Baurekriege,
Die Baure gehn vun Sieg zu Sieg
Un 's war kee Borg im ganze Lann,
Die wo se net erowert han.
Un iwerall uf alle Schlösser,
Do han se ausgepitscht die Fässer
Un in de Borratsstubb un Rich
Han se achielt ganz ferchterlich,
Bis alles leer war, blank un blott
Un jeder satt als wie e Krott;
Dann stecke se ufs Dach vum Haus
De rote Godel owe naus. —

So sin die Baure no' un no'
Bis vor Neileininge gezo'
Un 's war im Kriegsrot fest beschloß:
Bis morje frih geht 's Sterme los. —

's is Morje worr. Die Bauersleit
Sin vorgerickt uf jeder Seit,
Die Mussik hat e Marsch gemacht,
Der hat geschebbert un gekracht
Drei Trummle, zwee Trumbete aa
Un finf, sechs Ziechharmonika.
Un vorwärts sterze se, die Baure,
Wie 's Dunnerwetter an die Maure:

De Peter un de Philp vun Maren,¹
Die han e Wißbaam unnerm Arem,
Am dicke Enn² e Eiseklumpe,
For um 'es Dor eninzustumbe.
De Jodeljerg vun Mudderstadt,
Der hat e langi, spizi Latt,
For um die Feind ewegzuspiese,
Wo owe vun de Mauer schieße.
De Ferdenand vun Bottebach
Der krawwelt schun enuf ufs Dach.
De Adam un de Schorsch vun Bellem³,
De Michel un de Sepp vun Göllem⁴,

¹ Marnheim ² Ende ³ Bellheim ⁴ Gölheim

Bun dene krawwelt aa schun jeder
Mit Hänn un Fiß uf seiner Leeder.¹
De Philp un Peter sterme los,
De Wißbaam schwenke se zum Stoß:
„Nix wie dewedder! Nix wie druff!“ —
— „Ei gu’ mol, ’s Dor is jo schun uf!“ —

An iwer eemol aus ’em Dor,
Do kommt die Gräfin Eva vor
An hat so halb un halb geschmunzelt
An halb un halb die Stern gerunzelt
An hat gesat: „Gu’n Dag, Ehr Herre,
Ei, ich meen als, Ehr dun Eich erre,
Is das e Art, Besuch ze mache?
Beh, schämen Eich, mer muß jo lachel
Mer kommt doch so nit zu de Leit,
Mer meent, Ehr wäre nit gescheit!
Doch — wann Ehr jeh scheen orndlich² sin,
Dann lad ich Eich zum Esse in.“ —

Do han die Baure no’ un no’
Die Mailer in die Läng gezo;
Die eene stehn wie angeworzelt,
Die ann’re sin fascht umgeborzelt,
De Peter un de Philp sin ball
Mitsamt em Wißbaam umgefall.

¹ Leiter ² ordentlich

Do sat die Gräfin: „Hopp Ehr Leit,
Die Supp steht uf em Disch. 's is Zeit!“ --
Do sin die Baure awer stracks
So zart un weech worr als wie Wachs
Un han die Kappe abgenomm
Un sin ganz brav dorchs Schloßdor komm
Ins Herrschaftshaus un in die Stub
Un hocke sich glei an die Supp.

's war Riwelsupp. Un owe rum
Sin Schnittlaachstidelcher geschwumm.
Das war e Löffle un Geschepp!
For jeden hat's drei Deller gebb. —
Raum war die Supp eweg vum Disch,
Do kommt e Rieseplatt voll Fisch.
„Halt!“ freischt de Schorich vun Schifferstadt,
„Ich frie' zu allererst die Platt,
Ich siehn grad so e scheene Hecht,
Den wo ich geere esse mecht.“
De Edmathees vun Theisbergste'e
Der tret em heemlich uf die Behe:
Geh!? sa't er, „Schorsch, Du sollsch Dich
schämme,
So derf mer sich doch nit benemme!“

No finf Minutte ungefähr,
Do war die Fischplatt blott un leer,

Un, gud, die Richedeer geht uf:
E neii Platt mit Brote druf!

Un Rottkraut noch dazu mit Keschte
Wie an de höchste Kerchesechte.
Do sat die Gräfin: „So, ihr Herre,
Die Platte misse leer geß werre,
Un holen Eich nor feschet eraus,
's lei't noch genunk im Haawe' draus.“

Das hat de Baure Spaß gemacht,
Ganz laut han se enausgelacht.
Un wie uf eemol noch e Kisch
Vun feinem Wein werd usgedischt,
— 's war Forscher Ausles', Kerchestid, —
Du lieber Gott! War d a s e Glid!!

Do kloppt de Franz vun Aldeglan²
Ans Weinglas un is ufgestann
Un fahrt sich zweemol dorch die Hoor
Un sat: „Ehr Leit, ich sein desor,
Dass mer im ganze Pälzer Lann
Kee so e bravi Fraa meh han,
Als wie die Gräfin Eva do,
So dichtig, freindlich un so froh,
Ich sein desor, 'es Glas zu hewe:
Die Gräfin Eva, die soll lewe!“

¹ Hasen ² Altenglan

Do han die Baure „Hoch!“ gekriech
 Un usgebollert uf de Disch
 Un mit de Rapp erumgeschwenkt
 Un alsfort widder ingeschenkt. —


So han se lang noch dogeseß
 Un nix als wie getrunk un geß.
 Erscht owends so am Uhre acht
 Do han se endlich Schluß gemacht
 Und sin e halwi Stunn deno¹
 Im dießchte Friede abgez^o — —

*

*

*

Do hat de Bauer usgeheert.
 „Was?“ sa' ich, „das is hie baffeert,
 Is die Geschicht a werklich wahr?“
 „Jo“, sat er „ich sein gut desor!
 Nor — wo die Wahrheet nit recht haßt,
 Do han ich's annerscht abgefäßt“.



¹ nachher